


奉天地理



奉  
天  
地  
理

奉天地理序

將欲於一城一邑或一省會之地執扞撤密譏察以豫防一切天災人爲之患害則必先將一城一邑或一省會之都鄙村落川阜園闌里巷位置疎與密道路徑塗之紆折或坦易了然心目中然後有所措手不至蹈防匪所防衛匪所衛之弊此部定巡警教練所課程所以特設本處地理一科也本所遵部飭爲預備奉天省會巡警而設則地理一科自應以奉天爲揭槩而編輯範圍亦只能以奉天省會爲制限惟奉天省會之巡警向分兩部分一曰城廂巡警一曰鄉鎮巡警本所專爲預備城廂巡警而設則地

理範圍又不得不以城廂爲制限非局隘也詳繹部定本處二字之意夫固有所限之矣本所擔任是科編輯講授者爲山東益都湯堯符茂才允中湯君留學日本警監學校卒業且又嘗卒業於青州師範學堂其講授地理一科固恢恢有餘裕惟頗以範圍狹小爲疑乃商諸教務委員侯井心君侯君於是述湯君之意告余且申言之曰日本所學生如皆具普通卒業資格地理教科雖範圍狹小何害不然不知全球何如五洲何如甚或不知中國各行省何如第局局於一區域之地理不過養成捫籥坐井之地理知識而已而且巡警所管理者人民也非第地方已也方

今五洲交通奉省又爲歐亞往來之孔道東西人士絡繹不絕使爲巡警者不粗諳各國之大概恐國際警察非所能任曷先述全球暨五洲并中國各直省之概略以爲前提而趨重於奉省城廂以爲結束且於城廂區劃分別繪圖俾益明瞭似首尾較完備而按之部意亦不至刺謬余以爲然而湯君所輯講義亦遂以是爲標準惜本所學生縮短學期兩月卒業講義雖編輯完竣而圖未及繪不無遺憾然較之專乞靈於鄉土志者固已勝一籌矣因於其講義付鋟之始而述其編輯之顛末以爲序

宣統庚戌孟夏長白興貴

奉天地理目次

第一編 諸論

第一章 兩半球及五大洲說略

第二章 亞細亞洲說略

第三章 中國

第四章 內地十八省

第五章 西域及外藩

第二編

第一章 東三省概要

第二章 黑龍江省

第三章 吉林省

第四章 奉天省

奉天地理目次

第五章 奉天全省各府廳概要

第三編

第一章 奉天省城城廂概說

第二章 磚城以內之部

第三章 邊城以內正南之部

第四章 邊城以內正北之部

第五章 邊城以內正東之部

第六章 邊城以內正西之部

第七章 邊城以內東南之部

第八章 邊城以內西南之部

第九章 邊城以內西北之部

第十章 邊城以內東北之部

奉天地理

教員山東湯允中堯符甫編輯

第一編

緒論

地理一科人人所宜曉學者所必需爲最緊要之一學科也但所學範圍之廣狹不同而課本之繁簡亦異茲所述者爲奉天地理而所注重者又在省垣之一部分至奉天以外各府州縣以及全球並亞洲暨中國全國之大概不過約略言之而已

本書分爲三編第一編先論全球之大略次及亞洲次及中國僅述其洲名地名以及中國之位置其餘氣候物產山脉河流皆舉其緊要者述之非好爲簡略也實因茲所述者乃奉天地理他如五大洲及亞洲並中國各省祇須述其綱要不必過於馳騫東塗西抹以期卷帙之浩繁徒費學者之記憶矣是以第一編先述全球亞洲暨中國之大概並附略圖以資學者之印証

地理

奉天太古山房非印

焉

第二編因欲述奉天省垣之區域不能不先論奉天各府州縣之大概欲論奉天各府州縣之大概不能不先敘奉天全省之大概既敘奉天全省之大概仍不能不先言東三省之大概然其意非在由近以及遠實欲因端以竟委故分章講述遞次分割必使省界判然府縣各有所屬併繪圖以說明之庶幾易於明瞭不至茫無所辨也

第三編先將奉天城廂全圖略爲解說復分析全圖別爲十餘段而詳述之舉凡官衙學堂寺院街道無不畢及務使學者筆記心維確有所得以期學業之有成將來勤務之時庶不至詢以本處地理而不解鉗口結舌啞然無語倘非如是不維貽笑於外人且恐於職務未能無忝

鄙人留學東洋時曾記日本巡警保護人民不遺餘力故遇有失途之人則口講指導明示前途仍有不瞭然者復用鉛筆繪圖以指示之行人按圖尋

覓毫無所誤謂非熟悉地理之一証乎茲爲是編非博雅之是求蓋亦欲使學者即其近者淺者詳細體察繪圖講求無稍懈焉倘異日學成畢業措所學於實用不惟對於行人能指迷途即對於居民亦能辨其良否他如風俗習慣均可按圖而稽非深明地理之遠效哉諸生苟能互相勉勵共求進步則警察之起点當於諸生卜之不甘讓東西人以獨步矣

### 第一章 兩半球及五大洲說略

地球之表面由水與陸而成外函空氣而陸界水界氣界相接之處爲生物界最盛之部分今由赤道分地球南北而爲南北兩半球由子午線分地球東西而爲東西兩半球東半球之陸地大於西半球者倍東半球陸地東西橫列西半球陸地南北縱列北溫帶占世界陸地之半熱帶占三分之一南溫帶占陸地甚少寒帶占十二分之一

地理

二

奉天太古山房排印

地球之陸又分六大洲在東半球者有亞細亞歐羅巴阿非利加澳大利亞四洲在西半球者有北亞美利加南亞美利加二洲據此觀之實爲六大洲何以茲獨云五大洲乎蓋以南美北美洲總合爲一故祇云五大洲自面積言之亞細亞最大次阿非利加次北亞美利加次南亞美利加次歐羅巴澳大利爲最小又地球上之水面分爲五大洋曰太平洋大西洋印度洋北冰洋南冰洋是也茲將兩半球及五大洲五大洋之略圖另紙分繪以表明其梗概

### 第二章 亞細亞洲說略

亞細亞者占東半球之東北部大部位於赤道之北北枕北冰洋東臨太平洋東北隔白令海峽而對北亞美利加之西北端南面印度洋西依烏拉山脈烏拉河裏海黑海地中海等而與歐羅巴交界西南有紅海地中海而與阿非利加交界蘇彝士地峽在其中間以連結亞非兩大陸

東西距離最長處凡六千里南北之幅最廣處凡五千三百五十里面積凡一千七百二十五萬方里占地球上陸地全體三分之一爲六大洲中之最大之洲

亞細亞之海岸線比歐羅巴則較短其大半島於白令海北冰洋間有楚克崙士於太平洋側有堪察嘉朝鮮於印度洋岸有印度支那其側有印度阿拉伯於地中海旁有小亞細亞島嶼東南部最多東部有庫頁島日本列島東南部有琉球諸島臺灣澎湖諸島南部有馬來諸島錫蘭島等此等島嶼面積凡占全土百分之六就中自南東亘北東諸島大火山脈通其中而連北亞美利加之阿魯申諸島有此多島嶼及半島故太平洋側多海及灣

按北冰洋岸概乏屈曲惟俄比河口之俄比灣泰米爾半島東方之新西伯利亞諸島稍有名

太平洋岸北部有楚克崙士半島隔白令海峽而對北亞美利加堪察加

地理

三

奉天太古山房排印

半島東抱白令海西臨俄賀資革海過俄賀資革海西方庫頁島與大陸間有韃靼海峽再南則有日本列島自其列島西南與大陸間有日本海越朝鮮海峽而入黃海黃海北西灣入而成渤海山東遼東二半島扼其口

揚子江以南屬東海區域進經台灣海峽而入南海西方有東京及暹羅二灣出麻喇甲則入印度洋

印度洋岸雖有大灣大半島而海岸線殊鮮出入印度半島東抱孟拉灣西接亞拉伯海亞拉伯半島東臨波斯灣西依紅海

地中海岸有小亞細亞半島突出於西方而分黑海與地中海北西隔達爾達洛海峽波斯頗洛海峽與西臘羣島而對歐羅巴

自地勢上觀之則歐羅巴僅爲亞細亞大陸之一半島而由邦制上觀之則亞細亞幾爲歐羅巴之附屬獨立國自中國外僅有日本一帝國暹羅波斯

尼泊爾三王國及其他二三小酋長國而已其國勢自日本外皆衰弱不振爲他國所侵陵挾制者不少餘均爲歐羅巴亞美利加諸國所蚕食今觀亞細亞諸國土之分布橫於大陸東岸之列島爲日本帝國

突出於大陸東北之半島爲日本保護之朝鮮京城帝國位於大陸南方印度半島爲英領印度帝國

稍北部喜馬拉亞山腹有尼泊爾小王國不丹酋長國

印度支那半島僅有暹羅王國孤立於其中央西隣爲英領緬甸東境爲法領安南

再西隔印度半島西方之伊蘭高原有波斯王國及阿富汗酋長國而阿富汗因間於英俄兩國領地之中故英俄兩國勢力於此屢起衝突近爲英國所保護

稍南有俾路芝酋長國近亦與英國立約仰其保護印度總督遣員駐其地

地理

四

奉天太古山房排印

以監理要政

極西地方屬歐洲土耳其帝國亞拉伯半島自阿曼酋長國外均在土耳其英吉利兩國勢力之下

俄羅斯既併吞大陸之西部及中部又席捲北部之西伯利亞今全占領自黑海以至太平洋岸一帶之地

大陸東南之馬來諸島皆爲荷蘭英吉利美利堅等之領地橫於大陸東部及中部土地廣袤占亞細亞大陸四分之一爲世界最大之一帝國者實爲我中國然海岸諸要地以及西北隅之土耳其斯坦東北隅之黑龍江下流諸地皆爲列強所占據至今尙無恢復之策

以上爲亞細亞洲列邦體制之大概茲復列表於後

各國體制表

獨立國	大清 日本 暹羅 波斯 尼泊爾 不丹 亞拉伯
日保護	朝鮮
英保護	阿富汗 俾路芝
英屬	印度 緬甸 海峽殖民地 香港 亞丁
法屬	安南
俄屬	西伯利亞 高加索 西域
土屬	東土耳其 亞拉伯沿岸
葡屬	澳門

地理

五

奉天太古山房排印

第三章 中國

一 位置及疆域在亞洲東南部東界渤海又臨黃海東海與日本琉球台灣相對東北以圖門江之大部及鴨綠江長白山鄰朝鮮國東南臨南海南接暹羅緬甸及法屬之安南西南踰喜馬拉雅山而鄰印度中間有不丹尼伯爾二小國介之西連帕米爾高原與英俄兩國屬地相接北方毗連俄領之西伯利亞綿亘數千里以阿爾泰山及外興安嶺黑龍江為界統計面積約三千五百八十萬一千八百方里有亞洲全土四分之一誠世界著名之大國也

二 沿海疆域東自盛京鴨綠江口起西南至廣東欽州之南止形如半環長約七千五百餘里可分為四部曰渤海曰黃海曰東海曰南海渤每一大灣也分之為二支入於北者為遼東灣有遼東半島扼於東入於南者為直隸灣有登州半島控於東南其兩半島相望處曰直隸海峽稱為天設

之險自此以南迄揚子江口爲黃海盛京之南部山東及江蘇之東部皆瀕焉其沿岸北部港灣甚多可稱要害之區者莫如遼東之旅順口大運灣山東之威海衛膠州灣乃先後爲英日德三國所佔據誠可惜也從揚子江口以南迄於台灣海峽沿江蘇閩浙之東者曰東海崇明島橫列江口東南有大洋大衢諸山與舟山相屬爲錢塘灣之屏蔽海江重地也由此而南浙之三門灣溫州灣閩之三都澳金門島廈門島皆爲沿海握要之處自台灣海峽以南至東京灣曰南海廣東省之南部臨焉廈門島之西南有詔安灣灣內爲汕頭口岸更進而西南則有英國之香港葡萄牙之澳門皆以島嶼而成巨埠其西有雷州半島與瓊州島相對曰瓊州海峽過此則東京灣與安南交界矣

三地勢 本國居帕米爾之東帕米爾者高原重峯合併處也西人稱爲世界屋脊其地居葱嶺之巔本國山脉皆自此發故自西而東而地亦因之

地理

六

奉天太古山房排印

爲西北高而東南低之勢今略分爲東西二部西部有高原二一曰西藏高原世界之最高平原也而金沙江鴉魯藏布江黃河瀾滄江怒江印度河均發源於此一曰蒙古高原高度遜於西藏高原有大沙漠自西南而東北橫亘其中稱爲瀚海又稱之爲戈壁而黑龍江遼河色楞格河烏魯克穆河喀喇額爾齊斯河均發源於此東部有平原二一曰中國沃地有黃河揚子江西江橫貫其中而其上源爲邱陵起伏之區其下流則爲平原沃壤一曰滿洲平原有黑龍江松花江烏蘇里河遼河等流域其上源亦爲邱陵起伏之區其下流則爲平原廣野總之凡高原爲諸水發源之所而平原則爲其委流也

四山脉 本國山脉皆起於葱嶺自葱嶺分支東迤爲南北二大幹南幹爲崑崙山脉北幹爲天山山脉

一崑崙山脉 葱嶺之南有喀喇爾魯穆嶺葱嶺接西馬拉亞山之正幹

也喀喇開魯穆嶺東南爲蘇穆興嶺又東爲托古茲達坂即崑崙也山脉至此分北中南三大支

北支自托古茲達坂以東爲阿斯騰塔格嶺又東爲祁連山又東北爲賀蘭山又東爲陰山又東爲舒瑪哈達嶺分而爲二自舒瑪哈達南迤入邊牆者爲武州山又西南爲管涔山又分爲二北支爲恒山南支爲太行蟠亘於山西直隸之境自舒瑪哈達東迤者爲白岔山即興安嶺也分支東南迤爲永安山自永安山分支南迤者爲努魯兒虎嶺又南入邊牆爲碣石山北迤者亦名努魯兒虎嶺又東北爲醫巫閭山其自白岔山分支北迤者爲蘇克斜魯山又分北迤東迤二支北迤者爲伊勒呼里山爲佛恩亨山東迤者爲奎屯山又東落爲大平原至伊通邊門南復隆起南迤爲平頂山爲吉林哈達嶺又南分東西二支西支西南迤爲摩天嶺至老鐵山嘴渡海爲廟列島由登州頭登岸南迤至艾山分爲東西二支東支東

地理

七

奉天太古山房排印

迤爲勞山而盡於成山嘴西支西迤至分水嶺爲膠萊南北二河分流處又東南迤爲鐵嶺山又轉而西迤爲大嶼山泰山而盡於運河東支東迤爲伊爾哈雅範山又東爲長白山分南北二支南支迤於朝鮮境爲大閤嶺北支爲爾牙變哈達嶺又東北爲老松嶺又北分東西二支西支爲小白山爲完達山東支迤於俄屬之沿海州境爲老爺嶺

中支自托古茲達坂東偏南迤爲勒科爾烏蘭達布遜山分支東迤爲巴顏喀喇山又東爲匝巴顏喀喇山又東爲九里古拉達巴罕嶺又東北至岷山又東北爲分水嶺分而爲二一支北迤爲烏鼠山又東北爲六盤山一支東迤爲幡冢山爲終南山自山之西麓大散關分支南迤爲武都山爲陳倉口爲幡冢山又南爲金牛峽爲武丁關爲牢固關又東迤爲米倉山爲巴山爲陰條嶺爲景山爲北風山又南爲記山自終南山東迤之正支爲蒙嶺山又東爲熊耳山爲伏牛山分南北二支北支東北爲少寶山

爲嵩山爲敖山南支東南爲桐栢山又東南爲鄧陜塞爲光黃五關爲霍山爲挂車嶺爲磨盤嶺

南支自勒科爾烏蘭達布遜山分支東南迤爲巴薩通拉木山爲格爾吉  
匪噶那山又東南爲雲嶺山脉至白那山又東南迤爲梁王山爲紫溪山  
又東北迤爲九盤山又東迤爲玉龍山至廟兒山轉東北迤爲花山又東  
北迤爲磨盤山爲大幕山又北至八仙海南轉而東迤爲郎山爲朶蓬山  
又東南迤爲古州一帶苗山爲附子隘爲越城嶺爲海陽山爲萌諸嶺爲  
都龐嶺爲騎田嶺爲大庾嶺自越城嶺至大庾嶺總名爲五嶺山脉又東  
南爲九連山爲馬戰嶺山轉而北迤爲淮頭山又東北爲審嶺爲杉關爲  
桐木關爲楓嶺又北至仙霞嶺分二支東迤者爲括蒼爲天臺北迤者爲  
黃山爲天目

二天山山脉 自葱嶺東北之蘇約克山口東北迤爲廓克沙勒山又東

地理

八

奉天太古山房排印

爲汗騰格理山爲那喇特山自蘇克至此爲天山西段於是分二大支  
東支東迤爲烏克克山博格多鄂拉山而盡於沙陀是爲天山東段西  
支自那喇特山西北迤爲博羅布爾噶蘇山又西北爲罕喀爾察蓋山  
轉而東迤爲阿拉套嶺爲巴爾魯克山爲齊爾山又東北至木斯島山  
分爲二支西迤者爲塔爾巴哈台山東迤者爲阿爾泰山又西北迤轉  
而東迤爲賽留格木嶺爲唐努山分支東北迤者爲烏蘭臺曼山又東  
北渡庫蘇古爾湖爲薩揚嶺正支東南迤爲杭愛山爲薩賓達巴山又  
東北爲肯特山又東入俄屬之西伯利亞爲外興安嶺爲朱格朱爾嶺  
又東北爲斯塔諾尾山而盡於白令海峽

五河流 中國之東南部川河交錯水運甚便最大者爲長江長約九  
千九百餘里源出於西藏之巴薩通拉木山始名木魯烏蘇河入雲南界  
名金沙江入四川界與岷江合曰長江入湖北界南匯洞庭北受漢水東

接江西之鄱陽湖水勢益盛其所灌注之地凡八省沿岸城邑殷盛地土饒沃全國菁華實在於是珠江居國之南部嶺南諸水所會歸也其源有三曰北江東江西江西江爲大發源於雲南曲折流經廣西全省至廣州西南會合諸水南入於海黃河源出青海巴顏喀喇山東麓之噶達素齊老峯曲折繞大積石山入甘肅循長城北抵陰山繞河套折而東南爲山陝之分界南抵潼關東折入河南經大平原入山東奪大清河故道入渤海長約九千里黑龍江土名曰薩哈連烏喇俄人謂之阿穆爾江上源曰階嫩河源出車臣汗部內肯特山東麓東北流入俄屬薩拜喀勒省至黑龍江省與西南來之額爾古納河會又東北折而東南松花江自西南來會又東北納南來之烏蘇里江又東北入於海運河實通南北自浙江之杭州起北經江蘇山東抵直隸之天津與白河合長約三千五百餘里爲歷代所開鑿而成以供運漕之用白河源出獨石口西北馬尼圖嶺南麓

地理

曲折流抵天津入海中間分納衆流爲運輸之要道他如盛京之遼河浙江之錢塘江福建之閩江舟楫便利皆於交通上甚形重要非若新疆之塔里木河西藏之雅魯藏布江蒙古之色楞格河貿易未盛交通尙未發達也

六區畫 由行政上分爲直省與外藩直省者直隸於中央政府統治之下如二十二行省是也外藩者各有部長自理其事間接隸於政府統治之下如蒙古青海西藏是也茲將二十二直省之名稱及首府或廳列表於左

京省名	首府名	省名	首府名	省名	首府廳名
京師	順天	福建	福州	廣西	桂林
直隸	保定	浙江	杭州	雲南	雲南

山東	濟南	湖北	武昌	貴州	貴陽
山西	太原	湖南	長沙	奉天	奉天
河南	開封	陝西	西安	吉林	吉林
江蘇	江甯	甘肅	蘭州	黑龍江	黑水廳
安徽	安慶	四川	成都	新疆	迪化
江西	南昌	廣東	廣州		

以上從地勢上區畫之則可分爲五區一曰內地十八省爲直隸山東山西河南江蘇安徽江西福建浙江湖北湖南陝西甘肅四川廣東廣西雲南貴州二曰關東三省爲奉天吉林黑龍江三曰西域爲新疆四曰北藩

地理

爲內外蒙古五曰西藩爲青海西藏

七地方長官駐在處 中國向來僅內部十八省設督撫以治之其餘外藩則不設督撫或設將軍或設辦事大臣近新疆及關東三省均改爲行省設督撫矣茲將其政廳所在地列表於左

省名	總督	駐所	巡撫	駐所
直隸	直隸總督	天津府		
山東			山東巡撫	濟南府
山西			山西巡撫	太原府
河南			河南巡撫	開封府

江蘇	兩江總督	江甯府	江蘇巡撫	蘇州府
安徽			安徽巡撫	安慶府
江西			江西巡撫	南昌府
福建	閩江總督	福州府		
浙江			浙江巡撫	杭州府
湖北	湖廣總督	武昌府		
湖南			湖南巡撫	長沙府
甘肅	陝甘總督	蘭州府		
陝西			陝西巡撫	西安府
廣東	兩廣總督	廣州府		
廣西			廣西巡撫	貴林府
雲南	雲貴總督	雲南府		
貴州			貴州巡撫	貴陽府
四川	四川總督	成都府		
奉天	東三省總督	奉天府	奉天巡撫	奉天府
吉林			吉林巡撫	吉林府

黑龍江	黑龍江巡撫	黑水廳
新疆	新疆巡撫	迪化府

凡總督兼帶陸軍部尙書都察院右都御史巡撫兼帶陸軍部侍郎都察院右副都御史故督撫皆統屬當管之地文武官員有調遣官兵彈劾文職兩司以下武職提鎮以下之權此布按實權所以盡移於督撫而提鎮之對於督撫無敢抗顏者也

以上就中國之位置疆域地勢山脈等言其概要後復即各省之疆域區劃述其大略

#### 第四章 內地十八省

##### 一 直隸

地理

十二

奉天太古山房排印

**疆域** 東臨海東北界盛京西界山西西南界河南南界山東北界蒙古東西距一千一百八十六里南北距一千四百三十三里面積凡九十七萬二千二百方里

**區劃** 全省分爲十二府曰順天府保定府承德府朝陽府永平府河間府天津府正定府順德府廣平府大名府宣化府六直隸州曰遵化州易州冀州趙州深州定州三廳曰張家口廳獨石口廳多倫諾爾廳

##### 二 山東

**疆域** 北之東臨海北之西及西均界直隸東及南之東臨海南之西界江蘇及河南東西距一千零五十里南北距七百五十里面積凡四十六萬七千五百方里

**區劃** 全省分爲十府曰濟南府泰安府武定府兗州府沂州府曹州府東昌府青州府登州府萊州府三直隸州曰濟甯州臨清州濰州